



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Het Leven Vande H. Maghet Geertrvyt Abdisse Tot Eisleben

Gertrudis <de Helfta>

T'Hantvverpen, [1607]

Vande broederlijcke berispinghe ende verduldicheydt. Dat LXII. Capittel.

**urn:nbn:de:hbz:466:1-43080**

daer dooz verdient hadde/ om datse dooz liefde  
 dootmoedelijc met de ionge suster herlesen had-  
 de het deel der mettenen/ datse eerst ghelesen  
 hadde/ waer dooz sy so veel cieraet hadde alse  
 woorden herlesen hadde. Alsdan ghedachtigh  
 zijnde somnighe onachtsaemheden diese noch  
 niet gebiecht en hadde / dooz dien datse geen  
 Biechtvader teghenwoordich en hadde / met  
 clagende woorden gaf sy dat den Heere te ken-  
 nen. Waer op de Heere antwoorde: waerom  
 claeght ghy ouer v onachtsaemheden / naede-  
 mael dat ghy met het cleedt der liefden (dat de  
 menighbuldicheyt der sonden bedeckt) soo glo-  
 rioselijck geleedt zyt? Waer op sy: En hoe can  
 ick daer ouer vertroost worden dat de liefde  
 mijn schult bedeckt/ als ic nochtans weet dat  
 ic daer mede besmet be? Waer op de Heere: De  
 liefde sepde hy en deekt alleen de sonden niet:  
 maer ooc gelijc de hitte der sonnen so doetse wt  
 ende te niete alle de onachtsaemheden vande  
 dagelijcksche sonden in haer seluen/ ende daer-  
 en-bouen brenghetse vermeerderinghe der ver-  
 dienften.

De liefde  
 en deekt  
 alle niet  
 maer sy  
 doet te  
 niet de  
 sonden.

Vande broederlijke berispinghe ende  
 verduldicheydt.

DAT LXII. CAPITTEL.

**B**emerckende op eenē tijt dat eenen persoon  
 haer onachtsaem droegh inde onderhou-  
 dinghe der regulen / alse bresde datse dooz  
 Godt schuldich soude wesen soose versuynde/  
 sulcks verinoghende dien niet te boozderen tot  
 beteringe/ ende daer by oock bresde dooz men-  
 schelijcke crantheyt dat sommige wat slapper  
 ¶ 2 van

van conditie souden segghen datse haer meer  
 alst van noode was becommerde om cleyne  
 dinghen te bestieren: soe offerde sy dat den  
 Heere na haer gewoonte tot sijnen eewigē lof/  
 het welc de Heere bewysende hem seer aenghe-  
 naem te zyn/seyde: Soo menichmael als ghy  
 sulcken ende diergelijcke wederstaet om mis-  
 nen wille berdzaght / soo sal ick v oock ront-  
 om vastelijck beschermen ende bebolwercken  
 van alle becommeringen / die v in eenigh dinc  
 van my souden connen beletten / inder boegen  
 gelijck een stadt omringelt wort met grachten  
 ende mueren/ende daer-en-bouen tot dē hoop  
 alver verdiensten sal ick by voeghen alle de  
 verdiensten/die yemant soude connen winnē/  
 waert dat hy ootmoedelijck hem beneerstich-  
 de / om tot mijnen lof v vermaninghen ghe-  
 hoorzaem te zyn.

Dat de getrouwicheyt alleen in Godt te soecken  
 is, ende vande vrucht des lijdtiaemheys.

DAT LXIII. CAPITTEL.

Gelijck het ghemeynlijck plochte te ghe-  
 schieden/dat yemant swaerder valt heton-  
 gelijck dat hem van synen vriendt aengedaen  
 wort/als dat van synen vyant/berbolghens  
 dat vanden Psalm: VVant waert dat mijnen  
 vyant my vermaledijt hadde, ick soude eenich-  
 sins verdraghen hebben, &c. Als dese verstaen  
 hadde dat een persoone/tot welckens sielen sa-  
 licheyt sy meer neersticheyt ende ghetrouwic-  
 heyt besteedt hadde/haer niet en betaelde met  
 behoorzijcke ghetrouwicheydt: ja dat meer is  
 datse sommige dingen diese haer gedaen hadde  
 ber-

Psal. 54.  
 vers. 17.